



**SUPPLIER
CODE OF CONDUCT**

KHOUTU EA BOITŠOARO EA BAFEPELI



Khoutu ea Boitšoaro ea Bafepeli ea Whirlpool Corporation (“Khoutu”) e tsitsisa semolao maano ao tlasa oona bafepeliba Whirlpool Corporation le makalana a eona lefatšeng ho pota (“Whirlpool”) ba hlokoang ho sebetsoa ka oona.

Ha ho khethoa bafepeli, Whirlpool e sebetsa ka thata ho khetha balekane ba khoebo ba ikitlaeletsang maemo a tšebetso a ikamahanyang le a Whirlpool.

Khoutu ena e tsitsisa ka molao litšebetso tsa Whirlpool mme e hlakisa hore, ha ho etsoe hloko liphapang tsa bochaba le litlhoko tsa molao, re lebeletse hore hohle moo bafepeli ba rona ba leng teng, ba hlahisang lihlahisoa bakeng sa rona, ba hlahisang likaroloana tseo re li sebelisang lihlahisoeng tsa rona, le hohle moo litšebeletso li etsoang teng bakeng sa rona (bao ka kakaretso ba litsoang “Bafepeli”), tse hlahisitsoeng le/kapa ho fanoa ka mokhoa o tsamaisanang le maemo a phahameng a tlatsetsang ho setumo se hlaheletseng ka mahetla sa Whirlpool le thepa ea rona. Bafepeli ba hlokoa ho ikamahanya le Khoutu ena mme ba tsoelletse litšebetso tse tšoanang le tse khethiloeng Bukaneng ea tšepheho fya Whirlpool (e fumanehang ho www.whirlpoolcorp.com).

Khoutu ena e sebetse bakeng sa Bafepeli bohle ba Whirlpool ho kenyeletsoa setsi se seng le se seng sa Mofepeli. Whirlpool e khothaletsa Bafepeli ho phahamela litlhoko tsa Khoutu ena le ho khothaletsa litšebetso tse hloahloa ka ho fetisisa le bointlafatso bo tsoellang litšebetsong tsohle tsa bona le tsa bafepeli ba bona, bafani ba litšebeletso, le marangrang a katoloso. Haeba ho na le khohlano lipakeng tsa melao e sebetsang le Khoutu ena, kapa ho se tlhoko ea molao ea lehae, boemo bo tiileng ho feta bo tla sebetsa haeba bo sa robe molao oa lehae. Mofepeli o tlameha ho ikopanya le Whirlpool ho

buisna ka likhohlano life kapa life lipakeng tsa tlhoko ea Khoutu le molao o amehang oa lehae.

Melao le Melaoana

Bafepeli ba tlameha ho ikamahanya ka botlalo le melao le melaoana eohle e amehang ea linaha tseo e sebetsang ho tsona le ka boikamahanyo bo phethahetseng le Khoutu ena.

Kemo Khahlanong le Tjotjo le Bobolu

Whirlpool ha e na mamello ho hang mabapi le tjotjo le bobolu tsa mofuta le sebopeliso sefe kapa sefe. Whirlpool e tlangoa ke melao ea mchaba e mabapi le kemo e khahlanong le tjotjo le bobolu, e kenyeletsang, empa e seng feela, Molao oa U.S. Foreign Corrupt Practices Act (“FCPA”) le UK-Bribery Act (“UKBA”). Ho nanabetsa ka kotloloho kapa e seng ka kotloloho, ho lumella, ho tšepisa, o fana, ho amohela, ho kopa, kapa ho amohela letho la boleng e le ho susumetsa ka tsela e sa lokang motho e mong kapa ho fumana monyetla o sa lokelang kapa o seng molaong ho ka nkuoa e le tjotjo kapa ho thibetsoe ka molao. Thibelo ena e atolosetsoa ho baofisiri ba mmuso, le tlasa melao e meng ea machaba eo Whirlpool e tlangoang ke eona e ama likamano tsa khoebo. Esita le ponahalo ea ntho e sa lokang e tlameha ho qojoa kamehla le tlasa maemo ohle. Bafepeli ba tlameha ho sebetsa ho latela tšepheho e phethahetseng, botšepeli le ponaletso, le ho ikamahanya le melao eohle e khahlanong le tjotjo le bobolu.

Limpho le Boithabiso

Bafepeli ba ke ke ba romela limpho le/kapa ho nanabetsa boithabiso ho Whirlpool. Sena se kenyeletsa mpho ea mofuta ofe kapa ofe e ka 'nang

KHOUTU EA BOITŠOARO EA BAFEPELI



ea amaha'ngoa le kapa ea hokaha'ngoa ka kotloloho le meetlo ea lehae, matsatsi a phomolo, kapa matsatsi a bohlokoa a bolumeli. Whirlpool le basebetsi ba eona e ke ke ea amohela limpho life kapa life kapa boithabiso ho tsoa ho Bafepeli ba rona.

Haeba bafepeli ba pepesa ka tsela e sehlahlo kapa e seng sehlahlo ho basebetsi ba Whirlpool (esita le ka maikemisetso a matle ka ho fetisisa), sena se tla tlalehoa mme se ka 'na sa baka tahlehelo kapa pheliso ea hanghang ea khoebo.

tšebeliso ea Bana

Bafepeli ba tlameha ho ikamahanya le melao ea lehae e mabapi le bonyane ba lilemo mabapi le basebetsi ba eona . Bonyane ba lilemo tsa basebetsi e tlameha ho bva tse ka holimo ho: (a) lilemo tse 15 kapa lilemo tse 14 moo molao oa lehae o lumellang lilemo tsa khiri tse joalo ho ipapisitsoe le melaoana ea tataiso ea Molao oa Bosebetsi oa Machaba; kapa (b) lilemo tsa ho qeta thuto e tlamang ka molao; kapa (c) bonyane ba lilemo tse behiloeng ka molao naheng eo thepa e hlahisoang ho eona . Ho feta mona, Bafepeli ba tlameha ho ikamahanya le litlhoko tsohle tsa molao bakeng sa mosebetsi o lumelletsoeng o etsoang ke basebetsi ba lilemong tse tlase, haholoholo mabapi le lihora tsa tšebetso tsa mosebetsi, meputso, polokeho, maemo a tšebetso, le ho tšoaroa ha limatheriala tse itseng.

Ho Tsamaisoa ha Batho ho Seng Molaong le tšebeliso ea Bona ka Tlamello

Ho tsamaisoa ha batho ho seng molaong, tšebeliso ea tlamello, ho sebelisoa ho lefa sekoloto, ho sebelisoa joalo ka makhoba kaofela ha li amoheloe, mme Whirlpool e ikitlaeletsela ho thibela litsela tsena litšebetsong tsa eona le matotong a eona a tlhahiso ea thepa. Khoutu

ea Boitšoaroe ea Whirlpool e thibela tšoaroe e mpe le e se nang botho, ho kenyeletsoa ho shatjoa kapa ho tšosoa ka ho shatjoa, kapa tšebeliso ea tlamello. Bafepeli ba rona ba tlameha ho phethahatsa litlhoko tsena le ho ikamahanya le molao, likhoutu le maano.

Tlhekefetso

Bafepeli ba tlameha ho tšoaroe basebetsi bohle ka tlhompho le seriti. Ha ho basebetsi ba tla fuoa kotlo ea ho shatjoa, tlhekefetso ea mmeleng, kelellong kapa ea mantsoe. Ho feta mona, Bafepeli ba ke ke ba sebelisa likotlo tsa tefiso ea chelete joalo ka tsela ea ho khalema.

Meputso le lihlapiso

Bafepeli ba tlameh aho lefa basebetsi bonyane moeli oa moputso o tlaselase o behiloeng o hlokoang ka molao le ho fana ka lihlapiso tsohle tse laetsoeng ka molao. Ntle le ho lefa bakeng sa lihora tsa tloaelo tsa mosebetsi, basebetsi ba tlameha ho lefuoa bakeng sa lihora tse ekelitsoeng ka sekhahla se holimo ho latela ka moo molao o hlokoang ka teng kapa, linaheng tseo melao e joalo e leng sieo, bonyane moputso lekanang le oa sekhahla sa tefo sa bona sa ka hora. Ho feta mona, Bafepeli ba tlameha ho fana ka inshoreense ea kotsi ho basebetsi ba bona bakeng sa likotsi tse amanang le mosebetsi le matšelisobakeng sa likotsi tse hlahileng mosebetsing tse bakileng bokooa ba nako eohle.

lihora tsa tšebetso

Bafepeli ba tlameha ho netefatsa hore ka mokhoa o hlophisitsoeng nako le nako, ntle le maemong a khoebo a sa tloaeleheng, basebetsi ha ba hlokoeng ho sebetso ho feta lihora tse (a) 60 ka beke, ho kenyeletsoa nako e ekelitsoeng, kapa (b) meeli lihoreng tsa tloaelo le tsa nako e

KHOUTU EA BOITŠOARO EA BAFEPELI



ekelitsoeng e lumeletsoeng ke melao ea naha eo thepa e hlahisoang ho eona. Ho feta mona, ntle kle maemong a oa tloaelehang a khoebo, basebetsi bohle ba na le tokelo ea ho fumana bonyane letsatsi le le leng la phomolo nakong ea matsatsi a mang le a mang a supileng.

Bophelo bo Botle le Polokeho

Bafepeli ba tlameha ho fana ka sebaka sa tšebetso se hloekileng, se bolokehileng mme se nang le bophelo bo botle se ikamahanyang le maemo ohle a molao a laetsoeng linaheng tseo ba sebetsang ho tsona. Sena se kenyeletsa libaka tsa bolulo tseo Bafepeli ba fanang ka tsona ho basebetsi ba bona.

Ho se khetholle

Bafepeli ba tlameha ho netefatsa hore khiro – ho kenyeletsoa ho hiroa nakoana, ho lefa, lihlapiso, ho nyolla mosebetsing, ho felisa khiro le ho beha meja fatše – li itšetlehile holima bokhoni e seng holima litumelo kapa lintlha life kapa life tse ling tsa botho joalo ka mmala, morabe, setso, bolumeli, lilemo, kholo, bochaba, metso ea bochaba kapa morabe, boemo, tšekamelo ea ts athobalano, bong, boitsebiso kapa boitlhaloso ba tsa bong, HIV, boemo ba lenyalo, boimana, tšekamelo ea tsa sepolotiki, tšebeletso ea sesole (liqhoku), botho ba liyuniono, bokooa kapa boemo bofe kapa bofe bo bong bo sa amaneng le bokhoni ba motho kapa litlhoko tsa mosebetsi oo.

Litokelo tsa Basali

Bafepeli ba tla netefatsa hore basebetsi ba basali ba fumana tšoaro e tšoanang le ea banna lintlheng tsohle tsa khiro. Liteko tsa boimana e ke ea ba pehelo ea khiro mme teko ea boimana – ho fihlela moo e

behiloeng – e tla etsoa ka boithaopo le boikhethelo ba mosebetsi. Ho feta mona, basebetsi ba ke ke ba tlamelloa ho sebelisa lithibelapelehi.

Tokoloho ea Likamano le Boikopanyo bakeng sa Litherisano tsa Meputso

Bafepeli ba tlameha ho ananela le ho hlompha litokelo life kapa life tsa basebetsi tsa ho sebelisa litokelo tse molaong tsa boikopanyo ka bolokolohi, ho kenyeletsoa ho kenela kapa ho se kenele mokhatlo ofe kapa ofe. Bafepeli hape ba tlameha ho hlompha tokelo efe kapa efe ea molao ea basebetsi ea ho rerisana ka ka boikopanyo.

Litheko tsa Machaba

Whirlpool e ikitlaeletsela ho ikamahanya le meetlo eohle, khoebo le melao ea thomelo-ntle ea thepa. Bafepeli ba lebeletsoe ho ikamahanya le ho itlamahanya

le melao le melaoana eohle ea thomelo-ntle le thomelo-kahare ea thepa naheng ha e fetisa thepa, litšebeletso, software kapa thekenoloji kahare ho naha eo ba sebetsang ho eona kapa ho parola meeli ea naha; ho ikamahanya le melao ea kotlo ea naha le ea machaba le lithibelo tsa khoebo; le ho etsa bo'nete ba hore litefo le litlameho tsohle tsa duty, li-levy le lekhetho li phethahatsoa ka tšoanelo. Litaolo tsa thonelo-ntle ea thepa le likotlo tsa moruo li laola hore, ke neng, kae, le ho mang re ka rekisang, ra fana, kapa ho fetisetsa lihlahisoa tsa rona, litšebeletso kapa datha ea sethekeniki.

Tikoloho

Bafepeli ba tlameha ho ikamahanya le melao eohle ea tikoloho e sebetsang sebakeng sa tšebetso, lihlahisoeng tse hlahisitsoeng, le

KHOUTU EA BOITŠOARO EA BAFEPELI



mekhoeng ea tlhahiso. Ho feta mona, Bafepeli ba tlameha ho se sebelise limatheriala tse nkuoang li le kotsi tikolohong, empa ba tlameha ho khothaletsa tšebeliso ea litšebetso tse tšehetsang tsoelletso ea tikoloho.

Bafepeli ba tlameha ho hlahisa le ho tsoelletsa litokomane tsohle tsa tšebetso tse hlokehang le ho etsa liteko litlaleho ka litjeo ho Mofepeli ho bontša boikamahanyo le melao le ho fan aka litokomane tse hlokehang joalo ka ha Whirlpool e hloka.

Bafepeli ba tla fumana lisetifikeiti life kapa life kapa litumello joalo ka ha ho hlokoa ke Whirlpool pele kapa ka nako eo Whirlpool e lumellaneng ka eona bakeng sa projeke e joalo. Bafepeli ba tla phetha liteko tsa boikamahanyo tse tsoellang ka litjeo ho Mofepeli mme ba tla fana ho Whirlpool ka litokomane tse tšehetsang litšebetso tse joalo.

Bakonteraka ba ka tlase

Bafepeli ba tlameha ho se sebelise bakonteraka ba bang tlasa bona ho hlahisa lihlahisoa tsa Whirlpool kapa likarolo tsa sehlahisoa tse nang le matšoao a khoebo kapa mabitso a khoebo a Whirlpool ntle le tumello e tsoang ho Whirlpool, mme e le feela ka mora hore mokonteraka ea ka tlase a ikamahanye le Khoutu ena. Bafepeli ba tlameha ho netefatsa hore bafepeli ba bona, bafani ba tšebetso, le marangrang a katoloso a na le litšebetso tse tšoanang le litšebetso tsa Whirlpool.

khokahano

Bafepeli ba tlameha ho hokahana, ka tsela ea bona e teng ea tšebetso/maemo a nangle boitšoarō kapa ho latela Khoutu ena, e le

hore basebetsi ba bona, lisuphavaesa le bakonteraka ba tlasa bona ba lemohe litebello / litlhoko tse tekiloeng Khoutung ena.

Bolisa le Boikamahanyo

Whirlpool e tla nka mehato ea netefatso, e joalo ka ho litlahlabo tse phatlalalitsoeng le tse sa phatlalatsang tsa litsi tsa tlhahiso, ho netefatsa boikamahanyo le Khoutu ena. Bafepeli ba tlameha ho lumella basebetsi ba Whirlpool kapa baemeli ba eona phihlello e feletseng ho litsi, litokomane, lireketo le basebetsi bakeng sa lipuisano tsa sephiri ka boikamahanyo le melao ea lehae. Maemong a itseng, Whirlpool e ka 'na ea hloka hore Bafepeli ba lumelle bareki ba Whirlpool ho ea le baemeli ba Whirlpool nakong ea tlhahlobo. Whirlpool e ka 'na ea fang ka leseli la Mofepeli ho bareki ba eona, liejente kapa batho ba boraro ka ho ipapisa le litumellano tsa ho se senole lipakeng tsa Whirlpool le batho ba joalo ba boraro. Bareki bao ba ka 'na ba hloka ho ba le phihlello e feletseng litsing, litokomaneng, lirekotong tsa basebetsi le basebetsi bakeng sa lipuisano tsa sephiring ka boikamahanyo le melao yalehae tlasa lipehelo tsa khoutu ea boitšoarō ea bareki.

Bafepeli ba lebeletsoe ho nka mehato e hlokehang ea tokiso ho lokisa tlhkeho ea boikamahanyo efe kapa efe e fumanoeng. Whirlpool e nale tokelo ea ho felisa kamano ea eona le Mofepeli ofe kapa ofe ea sa ikemisetsang ho kapa ea sa khoneng ho ikamahanya le Khoutu ena moo ho khaoloa ho lumeletsoeng ke melao ea lehae.

khoutu ena ka tloaelo e kenyeletsa maemo a sa nkeng lehlakore, a ka leka'ngoang mme a hokahaneng e melao ea lehae. Leha ho le joalo, libakeng tse ling ho nale litlhoko tse ka 'nang tsa fumana molemo ka

KHOUTU EA BOITŠOARO EA BAFEPELI



tlhaloso e eketsehileng.

Whirlpool e fane ka litlhaloso tsa litlhoko tsa bohlokoa tse hlakisang bonyane ba litlhoko tse tekiloeng Khoutung. Lipehelo le litlhoko tse amanang le Khoutu tse hlalositsoeng li tekiloe ho Portal ea Whirlpool ea Lefatše Lohle ho <http://suppliers.whirlpool.com>.

Litlhaloso tsa Litlhoko tsa Bohlokoa

“Eng kapa Eng ea Boleng” ke ho bolela ntho efe kapa efe kapa hlapiso e kenyeletsang, empa e seng feela, chelete e kontane, lintho tse lekanang le chelete e kontane (joalo ka likarete tsa limpho, lisetifikeiti tsa limpho, likereliti, liribeiti, le litheolelo tsa thepa ea thekiso), likalimo, limpho, boithabiso, lijo, lipalangoang, bolulo, litsiane, lithuso, menyetla ea khoebo kapa khiro.

“Boithabiso” ke ho bolela ketsahalo efe kapa efe kapa tšebetso, tse kenyeletsang libaka tsa bolulo tse lefelloang, joalo ka lijo tsa khoebo, litekete tsa ho ea lipapaling, likonsarete/tsa kalaneng, kolofo, le liketsahalo tse ling kapa litšebetso. Tsena li kenyeletsa, liketsahalo tsa sechabeng, liketsahalo tsa lipapali, le libopeho life kapa life tse ling tsa boithabiso.

“Limpho” ke ho bolela Eng kapa Eng ea Boleng, joalo ka ha ho hlalositsoe ka holimo mona. Sena se kenyeletsa eng kapa eng e ka 'nang ea fanoa ka khokahanyo le moetlo oa lehae, matsatsi a phomolo kapa letsatsi la bohlokoa la selumeli, mmoho le lintho tsohle tse senyehang joalo ka lijo, lino, candy, le lipalesa.

“Mofisiri oa Mmuso” ke ho bolela (1) moofisiri kapa mosebetsi oa mmuso kapalefapha le lefe kapa lefe, lekalana, kapa bosebetsi ba hae ho kenyeletsoa litheo tsa mmuso kapa likhampani tse laoloang ke

mmuso (j.k., sepetlele, seteishene sa raliyo, banka); (2) moofisiri kapa mosebetsi oa mokhatlo oa sechaba kapa oa machaba joalo ka United Nations, World Bank, jj.; (3) motho ea sebetsang semolao kapa lebitsong la mmuso ofe kapa ofe o joalo, lefapha, lekalana, bosebetsi kapa mokhatlo oa machaba; kapa (4) mokha oa lipolotiki, moofisiri oa mokha oa lipolotiki bakeng sa ofisi ea sepolotiki.

Temoso: Setho sa lelapa hara batho bafe kapa bafe ba boletsoeng tlhalosong e mona se ka 'na sa nkuoa e le “moofisiri oa mmuso” bakeng sa merero ea leano lena, le U.S. le melao ea lefatšeng lohle, melaoana, le melaoana.

tšebeliso ea Khoutu ea Boitšoar

Khoutu e emetse maano a khubu a Whirlpool, a sebetsang ho marangrang ohle a phepelo – ho tloha limatherialeng tse tala ho fihla thepeng e felileng le bafaning ba litšebeletso. Whirlpool e nka mehato e matla ea ho tsebahatsa Khoutu ea Boitšoar ea Bafepeli ea eona ho balekane bohle ba eona ba khoebo.

Ho fihla moo Whirlpool e lemohileng – ekaba mehloli e kahare kapa kantle ea tlhahisoleseling – ka litlolo tsa lipehelo tsa Khoutu kae kapa kae hohle ho marangrang a phepelo, Whirlpool e tla fuputsa ka sehlahlo le ho sala morao ho se ikamahanye hofe kapa hofe.

Lihora tsa tšebetso – Maemo A Sa Tloaelehang a khoebo

Maemo A sa Tloaelehang a khoebo: Maemo a lumellang ho sebetsa ho feta lihora tse 60 bekeng e le 'ngoe kapa ho sebetsa matsatsi a fetang a supileng ntle le ho fumana letsatsi la phomolo a feela mabapi le maemo a latelang:

KHOUTU EA BOITŠOARO EA BAFEPELI



- Liketsahalo tsa koluoa, tse kenyeletsang empa e seng feela ho reketla ha lefatše, lifeto tsa li-typhoon, li-hurricane le mello, tse amang Mofepeli ka kotloloho.
- tšitiso e sa lepeheng e bakileng koluoa ea tlhaho setsing sa Mofepeli (ho etsamohlala, sefeto sa typhoon se thibelang tlhahiso setsing sa tlhotlho yaoli se bakang kamo ka kotloloho holima litšebetso tsa rekere setsing).
- Liketsahalo tse sa lepeheng tsa khoebo setsing, ho kenyeletsoa empa e seng feela ho se sebetse ha mechini ka nako ea tšebetso sehlohlolong sa sehla.

Mekhelo ena ea maemo a sa Tloaelehang a khoebo ha e fane ka motheo bakeng sa ho tlola melao ea lehae e behang meeli bakeng sa lihora tsa tšebetso – kapa palo ea matsatsi a sebelitsoeng ntle le letsatsi la phomolo.

Lihora tsa tšebetso – Motheo ea Litlhophiso tsa Tloaelo

Motheo oa Litlhophiso tsa Tloaelo: Sena se bolela hore ho sebetse ho feta lihora tse 60 bekeng e le 'ngoe – ho tla ba feela maemong a latelang:

- Lihora tsa tšebetso tse fetang meeli e boletsoeng Khoutung ea Boitšoarō ea Bafepeli li tla nkuoa e le tsa “tlhophiso ea tloaelo” ha feela nakong efe kapa efe ea libeke tse 12, kakaretso ea lihora tse sebelitsoeng e feta lihora tse 60.
- Ho etsa mohlala, e ka ba tlolo ea Khoutu haeba, nakong efe kapa efe

ea libeke tse 12, lihora tsa 'nete tse sebelitsoeng e tlola lipehelo tsa Khoutu nako ea libeke tse fetang tse tharo.

Mekhelo o fanoeng tlasa Motheo oa litlhophiso tsa Tloaelo: ha o fane ka motheo bakeng sa ho tlola melao ea lehae e behang meeli bakeng sa lihora tsa tšebetso kapa palo ea matsatsi a sebelitsoeng ntle le letsatsi la phomolo.

Bophelo bo Botle le Polokeho – Sebaka sa tšebetso se hloekileng, se bolokehileng se nang le bophelo bo botle se ikamahanyang le maemo ohle a sebetsang, a tlamang ka molao.

Sebaka sa tšebetso se hloekileng, se bolokehileng mme se nang le bophelo bo botle sa ho sebetse se kenyeletsa litlhoko tsohle tsa melao e amehang ea lehae (ho etsa mohlala, Molao oa Polokeho tšebetsong le Bophelo bo Botle bakeng sa lifeme naheng ea United States). Libaka tsa bohlokoa tse lokelang ho tsepamisetsoa maikutlo li tla qala e le:

- Polokeho Mollong
- tšireletso Mechining
- Thepa ea Boitšireletso ea Motho
- Lehalima, Mocheso le Pheho ea Moya
- Matloana

LIMATHERIALE– Limatheriale tse nkuoang li le kotsi tikolohong le/kapa tse laoloang ke makalana a mmuso

Limatheriale tse laoloang ke makalana a mmuso kapa tse nkuoang li le kotsi tikolohong ke mmuso kapa makalana a oona ho kenyeletsoa

KHOUTU EA BOITŠOARO EA BAFEPELI



likhemikhale, li tlameha ho se sebelisoa ke Bafepeli ba Whirlpool. Limatheriale tse tsebahalitsoeng ho tlhakisetso ea Boikamahanyo bo Akaretsang ba Limatheriale ea Whirlpool, GES0084. Bafepeli ba tlameha ho fana ka tlhaisoleseling ea hanghang e mabapi le tšebeliso ea limatheriale tsena, ka litjeo tsa Mofepeli, ha a kotjoa ke Whirlpool.

Ho feta mona, limineral tse tse tsamaisoang ka molao tse tsejoang ka hore ke limethale tsa “3TG” – cassiterite/tin, columbite-tantalite/tantalum, wolframite/tungsten le khauta (le tse ling tse laotsoeng ke Letona la Litaba tsa Machabeng la Amerika hore li thusa likhohlano linaheng tsa DRC); mme tseo mohloli oa tsona o leng naheng ea Democratic Republic of Congo (DRC) kapa linaha tse mabapi, li hloka ho senoloa ho Whirlpool e sa le qalong mme Bafepeli ba tlameha ho hlahisa litokomane tse salang morao mohloli oa limineral.

Bakonteraka ba ka tlase – Bakonteraka ba ka tlase ho hlahisoeng kapa ho kopa'ngoeng ha lihlahisoa tsa Whirlpool tseo Khoutu ea Mofepeli ea Boitšoarō e hlahang ho tsona le bona ba a ameha.

Litsi, ho fapana le setsi se tsebahalitsoeng bakeng sa tlhahiso ea sehlahisoa sa Whirlpool, tse amehang ho kopa'ngoeng ha sehlahisoa kapa ho hlahisoeng ha likarolo tsa sehlahisoa tse nang le letšoao la khoebo kapa logo ea Whirlpool.

Ho felisoa

Ho hloleha ho ikamahanya le Khoutu ena, kapa ho tlola melao ea machaba e amehang, ho ka baka ho khaotsoa ha khoebo kamora tsebiso ea monholo e tsoang ho Whirlpool.

Mohala oa Boikopanyo oa tšepheho oa Whirlpool

Whirlpool e na le mohala oa tšepheho oa sephiri o tsamaisoang ke batho ba boraro. Mohala oa tšepheho oa Sephiri (www.whirlpoolintegrityline.com) o fumanehang ka lipuo tse fetang 10, inthaneteng le ka mohala, lihora tse 24 ka letsatsi, matsatsi a supileng ka beke. Ha u ikopanya le Mohala oa tšepheho oa Sephiri, u ka etsa qeto ea ho lula u sa itsebahatse lebitso.

Maemong ao ho oona u sa batleng ho sebelisa mecha ea tloaelo ea khokahano, u ka letsetsa Mohala oa tšepheho oa Whirlpool ka sephiri. Linomoro tsa mohala bakeng sa naha eo u leng ho eona li ka 'na tsa fumanoa ho www.whirlpoolintegrityline.com.